

Spiele statt Chriege

Fasnacht 2018



Ghörsch Chinderschrey dur s'Fänschter duure
rüefsch uuse: «haltet doch mol ...
d'Nachrueth yh
es isch doch scho lang zähni gsi.»




Gsehsch Chinder uf em Spielplatz lache
frogsch di, was die dr ganz Tag mache.
Hei den die nüt bessers z'tue?
denn wär do usse ändlich rueth.

Doch während mir eus do an chleine Sache störe,
muesch vo andere Ort viel schlimmers ghöre:



Chrieg und Leid das duet grassiere,
während die Ryyche witter abkassiere.
Und s'Schlimmschte dra, es macht kei Sinn,
es sy au Chinder involviert dört drinn.



Mit Helm und Sturmgewehr in dr Hand,
kämpfe sie fürs s'Diktatoreland.
Und mängi ihres Läbe lönd,
für öbbis wo sie nit verstönd.



Statt Bobby-Car nur Panzer fahre
zum de Mächtige d'Macht z'bewahre.
Statt Fuessball uf em Pauseplatz,
es Läbe in dr Angscht und Hatz.



Statt Trummle üebe bis zoobe spoot,
nur schiesse üebe für e Despot.
Statt läbe voller Freud und Luscht,
es Läbe mit dr Panzerfuscht.

Statt Fidget-Spinner Handgranate,
zum Beschütze vo de Öl-Magnate.
Statt mit dr chleine Schweschter strytte,
am Herrscher sys Gebiet uuswyte.



Das cha so nümme wytter goh,
drum möche mir e Vorschlag do:



Jetzt müesse ändlig alli Mensche zämme schaffe,
dass es gly au no die Letschte raffe,
– do loht sich d'Woohrheit nit verbiege –
dass Chinder spiele sölle und nit chriege.

Überigens:

Ghörsch Chinderschrey duurs Fänschter duure,
den haltisch lieber sälber d'Schnurre,
und freu di drab, dass d'Chinder do
no Chind chönnd sy und es 'ne guet duet goh.



Nach wie vor werden weltweit rund 250.000 Kinder
in mindestens 20 Ländern in Afrika, Asien und Latein-
amerika von bewaffneten Gruppen und Armeen als
Soldaten rekrutiert und im Kampf eingesetzt.



Wötisch au emool lehre drumme oder pfyffe,
duesch eifach zum PC gryffe,
und gisch ii: www.rotstab-clique.ch